



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

Art. I. An Theologia sit verè & propriè scientia?

[urn:nbn:de:hbz:466:1-77132](#)



DISPUTATIO PROOEMIALIS.

DE NATURA, ET QVALITATIBVS
Theologiae.

Ad questionem I. D. Thome.

Cum Theologia sit sci-
entia Architectonica, omniumque su-
prema, & habeat non solum rationem sci-
entiae, sed etiam sapientiae, ut infra dice-
mus: ad illam pertinet, non solum suum
objetum, sed etiam seipsum, suamque essentiam, & proprietates
contemplasi. Unde priusquam de Deo, ejusque
existentiā, unitate, natusā, & attributis dispu-
temus, quedam circa naturam, & qualitates Theo-
logie, breviter hic præmittenda sunt. Eorum
enim morem, & consuetudinem, nequamquam
imitandam putamus, qui parum attendentes,
quā latē pateat diuina sapientia domus, quam
perlustranda suscipimus, tardiu in ejus atrio
& vestibulo immorantur, ut prædiis, & præ-
logomenis, vix finem faciant. His ergo præter-
missis, sit

ARTICULUS I.

An Theologia sit verè & propriè scientia?

§. I.

Præmittenda ad resolutionem questionis.

Notandum primò: Theologiam, juxta vo-
cis ethymologiam, idem esse, ac ratio-
neum, seu considerationem, vel sermonem de
Deo, & rebus divinis: ut notat D. Augustinus
lib.8.de Civit.cap.r. Unde cum de Deo, rebus
que divinis, dupliciter sermo vel consideratio
esse possit; nimirum vel ex discursus rationis na-
turalis, vel ex lumine divinæ revelationis, du-
plex etiam distingui solet Theologia. Una na-
turalis, qua Metaphysica appellatur; & alia su-
pernaturalis, & Christiana, qua ex principiis
revelatis, suas deducit conclusiones, & quam
D.Thomashic, Sacra doctrinam, appellat; &
de hac solū nobis in præsenti est sermo.

Notandum secundò: Theologiam propriè di-
Tom. I.

A Etiam, de qua hīc agimus, dividi primò in Theo-
logiam creatam, quæ est in Deo, & creatam,
quæ in creaturis rationalibus, Angelis scilicet &
hominibus, reperitur. Secundo Theologiam
creatam, subdividi in Theologiam eorum qui
sunt in via, quæ ex principiis fidei suas infert
conclusiones; & eorum qui sunt in patria, quæ
ex principiis clare cognitis, & per Dei visionem
manifestatis, eadē veritates & conclusiones
deducit. Tertiò Theologia viatorum dividitur
in acquisitam, quæ studio ac diligentia humana
comparatur, & infusam, quæ à Deo immediatè
infunditur; qualis fuit in Prophetis, & Aposto-
lis, alisque Sanctis Οἰοδόταις, id est à Deo im-
mediate edocitis. Denique utraque Theologia
iterum dividitur in Positivam, quæ fusori stilo,
& modo oratorio sacras litteras, & mysteria fidei
exponit; & Scholasticam, quæ artificiosā
methodo, & syllogisticè rerum divinarum noti-
tiā tradit. Et hæc rursus subdividi potest in
speculativam, quæ tota listit in contemplatione
veritatis, & mysteriorum fidei; & moralem,
quæ versatur in directione actuum humano-
rum, sive in revolvendis casibus conscientiæ.
Quibus addunt alii Theologiam mysticam,
qua est notitia divinorum, in oratione & con-
templatione, modo supernaturali comparata:
qualis fuit in sancta Catharina Senensi, Birgittæ,
Theresiæ, & aliis Sanctis, ac præciuè, & excel-
lentissime, in Angelico nostro Præceptore, qui
in omni Theologiæ genere excelluit, ut disertè
declarat R.P. Carmelitæ Discalceati, in ege-
giailla oratione exhorratoria, quam primo to-
mo sui cursus Theologiæ præfixerunt, ubi di-
cunt: Angelicum Magistrum inter omnes alios Eccle-
sie Doctores, omnimodâ Theologiâ, nimirum scholasti-
câ, morali, positivâ, mysticâ, & concionatoriâ susse-
variegatum, & quæ Josephus inter duodecim fra-
tres penultimum, polymicâ & multicolori tunicâ, à
parente Jacob, præ nimio ejus more, decoratum præ-
fulgere.

Notandum tertio ex Aristotele, Ethic. cap.
4. & D. Thoma I. 2. quest. 57. quinque tan-

A

tum

DISPUTATIO PRO OLEMALIS

tam esse virtutes intellectuales : scilicet habitum primorum principiorum, qui dicitur intellectus, & versatur circa prima principia, immediate nota : sapientiam, quae est notitia rerum divinarum per altissimas causas ; scientiam, quae est notitia per demonstrationem acquisita : prudentiam, quae definitur habitus cum vera ratione activus, seu dirigens honestatem morum ; & artem, quae est habitus cum vera ratione effectivus, seu praescribens modum rei alicujus efficiendae.

Notandum quartò : quod sicut aliquis potest esse verè & substantialiter homo, quamvis non sit perfectus homo ; ut constat in puer, qui verè & propriè participat naturam humanam, quamvis non sit homo perfectus ; eò quod non habeat usum rationis, nec exercitium libertatis. Ita similiter aliquis habitus moralis, aut intellectualis, potest esse verè & substantialiter virtus, aut scientia : quamvis non sit perfecta virrus, aut perfecta scientia, quia ratione subjecti in quo est, non habet suum statum perfectum & con naturale. His præsuppositis, si

§. II.

Conclusio affirmativa statuitur.

Dico igitur : Theologiam, etiam prout est in nobis viatoribus, esse verè, propriè, & substantialiter scientiam ; licet defectu evidenter actualis, qua caret in hoc statu, non sit perfecta scientia, sed in statu imperfecto & præternaturali. Ha communiter docent Thomistæ, cum S. Doctore h[ab]it art.2. & in 1. lenti. dist.1. quest.1. art.4. & opusc. 70. quest.2. art.2. contra Valentianum, Vazquem, alioisque modernos, contendentes illam non esse verè, & substantialiter scientiam, sed habitum quedam inadmirarum, medium inter scientiam & fidem.

Probatur primo conclusio : Theologia, etiam prout est in nobis viatoribus, verè & propriè est virtus intellectualis : sed non potest pertinere ad aliam, ex quinque ab Aristotele, & D. Thoma assignatis in terro notabili, quam ad scientiam, vel sapientiam. Ergo Theologia est verè & propriè scientia, vel sapientia, quae, ut infra dicimus, est perfectissima species scientiarum. Minor constat : cum enim Theologia sit discursiva, non potest pertinere ad habitum primorum principiorum, qui attingit veritates immediate & sine discursu. Non potest etiam esse prudentia, vel ars, cum non pertineat ad intellectum practicum, sed speculativum, neq[ue] versetur circa agibilias & factibilias ; cum experientia satis constet, omnem Theologum non esse virum prudentem, aut peritum artificem : ergo solum potest pertinere ad scientiam vel sapientiam. Major autem probatur dupliciter. Primo quia Theologia est habitus intellectus, infallibiliter inclinans ad verum : ergo & virtus intellectualis. Consequenter patet : nam per hoc distinguit Aristoteles & Ethic. cap.3. virtutes intellectuales, ab opinione, & suspicione : quod ha non attingunt infallibiliter verum, & quia si potest (inquit) ut falsum existimatio, opinioneque quis dicat, virtus autem intellectuali semper & infallibiliter verum attingit. Secundò, quia cum Theologia sit habitus perficiens hominem ad bene operandum, inclinando scilicet infallibiliter ad verum, est virtus humana : sed non moralis, cum non sit perfectiva appetitiva partis ; nec Theologica, cum non sit per se infusa, sed nostris

A actibus acquisita, ut infra dicemus ; & cum tres tantum dentur virtutes Theologicae, fides scilicet, spes, & charitas : ergo est virtus intellectualis.

Secundò probatur conclusio, destruendo, præcipuum fundamentum Adversariorum, consistens in eo quod Theologia caret evidenter actualis suorum principiorum, quam illi putant requiri ad veram & propriam rationem scientie. Licet enim scientia subalternans habere debeat evidenter actualis suorum principiorum, ad rationem tamen scientiarum subalternatarum (qualis est Theologia, ut dicemus articulo sequenti) sufficit evidenter radicalis, vel aptitudinalis : id est sufficit, quod ex se & ex natura sua postulet conjungi cum subalternante, & in tali conjunctione habere evidenter actualis suorum principiorum. Ita colligitur ex D. Thoma h[ab]it art.2. in corp. ubi sic habet. Scinduntur est quod duplex est scientiarum genus : quadam enim sunt quae procedunt ex principiis notis lumine naturali intellectus, ut Arithmetica, Geometria & bususmodi : quedam vero sunt quae procedunt ex principiis notis lumine superiori scientia, sicut perspectiva procedit ex principiis notificatis per Geometriam & Musica ex principiis per Arithmeticanotis : & hoc modo sacra doctrina est scientia, quia procedit ex principiis notis lumine superiori scientia, quae scilicet est scientia Dei & Beatorum. Quibus verbis aperte docet, quod licet in scientiis subalternantibus, requiratur evidenter formalis, & actualis principiorum ; in subalternatis tamen, sufficit radicalis, vel aptitudinalis. Ex quo inferit, Theologiam esse verè scientiam, licet prout est in nobis viatoribus, careat per accidentem, & ratione subjecti, evidenter actuali principiorum : quia per se & ex natura sua, petit conjungi cum scientia Dei & beatorum, cui subalternatur, & in tali conjunctione habere evidenter actualis suorum principiorum : quamvis illa, prout est in nobis, propter defectum evidenter actualis, non habeat modum, nec statum perfecta scientia. Sicut puer, licet sic substantialiter homo, qui tamen caret uso rationis, & exercitio libertatis, non censemur esse perfectus homo. Ex quo facilè intelliges celebre testimonium D. Thomæ, quest. 14. de veritate, art.9. ubi dicit. Quaecunque sciuntur propriè accepta scientia, cognoscuntur per resolutionem ad prima principia, quae per se præsto sunt intellectui, & sic omnis scientia, in visione reipresentis perficitur. His enim verbis significat, quod ea que sciuntur propriè dicta scientia (id est scientia, qua est in statu perfecto & connaturali) cognoscuntur per resolutionem ad prima principia, quae præsto sunt intellectui (id est que sunt evidenter cogniti) & sic quod omnis scientia in visione reipresentis perficitur. Quæ ultima verba aperte declarant, illum non loqui de scientia, quantum ad essentiam, vel substantiam ; sed locum, quantum ad perfectionem & statum.

§. III.

Solvuntur objectiones.

Obijecies primò : D. Thomas in 3. dist. 33. 4. quest. 1. art. 2. quæstiunc. 4. sic ait : Si esset aliqua scientia, qua non posset reduci ad principia naturaliter cognita, non esset eiusdem speciei cum aliis scientiis ; neque univocè scientia diceretur. Ergo cum Theologia non refolvat suas conclusiones in principiis naturaliter cognita,

DE NATURA THEOLOGIAE.

cognita, non est verè & propriè scientia, nec e-
jusdem rationis cum aliis scientiis.

Respondeo quod ibi D. Thomas probat vir-
tutes insulas & acquisitas differre specie: ad
quod declarandum, adducit exemplum in sci-
entia, & dicit quod si daretur aliqua scientia, quæ
non procederet ex principiis notis lumine natu-
rali, sed lumine supernaturali fidei, & divina re-
velationis, non conveniret univocè, nec esset
ejusdem rationis cum scientiis pure naturali-
bus, utpote procedens ex altioribus principiis.
Quare ex hoc testimonio solum potest inferri,
quod cùm Theologia procedat ex principiis al-
tioris ordinis, scilicet ex articulis fidei à Deo re-
velatis, est diversæ rationis à scientiis naturali-
bus, neque convenient univocè cum illis, saltem in
genero proximo: non quod illa deficiat à per-
fectoratione scientiæ; sed potius quia illam habet
cum quadam eminentia & perfectione, quæ non
convenit scientiis ordinis naturalis, ratione cu-
jus est eminenter speculativa & practica, nec so-
lum habet rationem scientiæ, sed etiam sapientiæ,
ut infra dicemus.

Obiectio secundò: de Deo non potest fieri
demonstratio, nisi per effectus: ergo nec dari
scientia, saltem à priori, & propriè dicta; &
consequenter Theologia quæ Deum habet pro
objecto, non potest esse verè & propriè scientia.
Consequens patet: Antecedens vero proba-
tur ex D. Thomæ I. contra gentes cap. 25. sic dicente:
*Ex his etiam patet quod Deus definitio non
potest: quia omnis definitio est ex genere & differen-
tia. Patet etiam quod non potest etiam demonstra-
tio de ipso fieri nisi per effectus: quia principium de-
monstrationis est definitio ejusdem de quo fit demon-
stratio.*

Respondeo negando antecedens: ad cuius
probationem, in primis dico, Divum Thomam
ibi solum negasse, posse dari de Deo demon-
strationem à priori, per veram & realem causam,
non autem demonstrationem quæ per causam
virtualem procedat, quæ sufficit ad perfectam
rationem scientiæ.

Secundo respondeo, D. Thomam ibi solum
negare demonstrationem perfectam de Deo, &
quæ ad perfectam subjecti definitionem redu-
catur; non autem negare omnem demonstra-
tionis modum, sufficientem ad rationem sci-
entiae à priori. Ut enim ipse docet h[ic] art. 7. ad I. Li-
cer de Deo non possumus scire quæ est, utimur ejus effe-
ctu, vel natura, vel gratia, loco definitionis ad ea qua
de Deo considerantur. Ex quibus verbis non li-
cet inferre, scientiam quam de Deo habemus,
esse tantum à posteriori, & per effectus: nam se-
mel natura Dei cognitæ per effectus creatos, vel
per lumen divinae revelationis, illa mediante, à
priori descriptivè cognoscuntur Dei proprietati-
tes, quæ à naturâ Dei, tanquam à ratione à priori
& causa virtuali dimanantur.

Obiectio tertio: scientia propriè dicta, est ha-
bitus certus & evidens: sed Theologia non est E
videns, cùm procedat ex principiis obscurè re-
velatis, & fidei divina creditis: ergo non est pro-
priè scientia.

Respondent aliqui: de ratione scientiæ in
communi, & prout abstrahit à naturali vel su-
pernaturali, solum esse attingere infallibiliter
verum, per discursum formalem aut virtualem;
evidentiam vero requiri solum in scientiis na-
turalibus, propter certitudinem, & adhesionem
intellectus ad verum: unde cùm Theologia sit

Tom. I.

A ordinis supernaturalis (radicaliter saltem & ob-
jectivè, ut infra dicemus) & habeat certitudi-
nem sine evidentiâ, sine illa est verè & propriè
scientia.

Verum h[ic] responsio non cohæret cum Do-
ctrina D. Thomæ, qui i. 2. quæst. 6. art. 3. ait, De
ratione scientia est, quod habeat firmam inhabitationem,
cum visione intellectiva. Et in 3. dist. 23. quæst. 2. art.
4. quæstiunc. 1. docet quod fides non est virtus
intellectualis, eo quod non habeat conspicuam
veritatem. Ex quo aperte colligitur, quod si et-
iam Theologia, per se & essentialiter esset inevi-
dens, non esset virtus intellectus, nec proinde
scientia.

Meliùs ergo respondetur, evidentiam eodem
paço esse de ratione scientiæ, quo esse difficile
mobilem, est de ratione habitus. Unde sicut ha-
bitui, qui per se, & ex sua natura, est difficilē mo-
bilis, per accidens, & ex conditione subjecti, po-
test convenire esse facilem mobilem: ita scientiæ,
quæ per se & ex natura sua est evidens, per acci-
dens & ex conditione subjecti, convenire potest
obscuritas & invidēntia. Et ita contingit in
Theologia, illa enim per se, & ex natura sua est
evidens, lumenque gloria, quo Deus clarè vide-
tur, postulat pro habitu principiorum: per acci-
dens verò, & ex conditione subjecti, ei convenit
esse invidēntem, & habere pro habitu princi-
piorum lumen fidei obscurum. Quare cùm dici-
tur, quod scientia est habitus evidens, hoc debet
intelligi, per se & ex natura sua, vel de evidentiâ
formali, aut radicali, ut antea exposuitus.

Obiectio quartò: de singularibus & contin-
gentibus non potest dari scientia, ut docent Phi-
losophi: sed Theologia versatur circa singula-
ria, agit enim de Christo, de Beata Virgine, de
Adamo, de Antichristo, &c. Et circa contingē-
tia, nam disputat de actibus humanais, de pec-
catis, de merito, & justificatione, quæ sunt a-
ctiones liberae & contingentes: ergo non est sci-
entia.

Respondeo quod quamvis de singularibus &
contingentibus, non possit dari scientia natura-
lis, bene tamen scientia revelata: id est, proce-
dens ex fide, & divina revelatione, qualis est
Theologia. Ratio disparitatis est, quia scientia
pure naturalis, dependet ex lumine naturali pri-
morum principiorum, quæ versantur tantum
circa universalia, & necessaria, scientia vero su-
pernaturalis & revelata, dependet a lumine su-
pernaturali fidei, & divinae revelationis, se ex-
tendens etiam ad singularia & contingentia,
quæ prout subsunt tali lumen, necessaria sunt,
necessitate saltem infallibilitatis, ut docet D.
Thomas 2. 2. qu. 1. art. 3. his verbis: *Deum incar-
nari, secundum se consideratum, sicut possibile, etiam
post tempus Abrabæ: sed secundum quod credit sub pra-
scientia divina, habet quandam necessitatem infallibili-
tatis; & hoc modo cadit sub fide, unde prout cadit sub
fide, non potest esse falsum.*

Obiectio quintò: scientia subalternata na-
turalis, in absentia subalternantis, non est verè sci-
entia, sed opinio, vel fides humana: ergo simili-
ter Theologia, ut est in nobis, creatoribus, in qui-
bus est separata à scientia beata, cui subalterna-
tur (ut dicemus art. sequent.) non erit verè &
propriè scientia, sed fides, vel opinio, aut potius
aliquid medium inter scientiam & fidem.

Respondeo primo, negando antecedens: mul-
ti enim ex Schola D. Thomæ, non improbabili-
ter existimant, scientias subalternatas ordinis

naturalis, in absentia etiam subalternantis, esse verē scientias, quantum ad substantiam, quamvis tunc non habeant statum & modum perfectæ scientiæ, eo quod non resolvant suas conclusiones in principiis clarè cognita; eo fere modo quo puer est subalternatior homo, quamvis non sit in statu perfecto & connaturali. Sed quidquid sit de hac sententiâ, de qua disputant Philosophi in Logica, & Metaphysica.

Respondeo secundò, dato & non concesso antecedente, negando consequentiam, & partitatem. Ratio disparitatis est, quia scientia subalternata ordinis naturalis, quales sunt Musica, Perspectiva, & Medicina, quando sunt separatae à subalternante, dependent in certitudine suorum principiorum, à fide humana, quam discipuli adhibere debent Magistro testificanti veritatem illorum: quæ fides, cum sit fallibilis, non potest influere certitudinem, & infallibilitatem in talia principia, requisitam ad rationem scientiæ. Theologia vero in nobis viatoribus, dependet in certitudine suorum principiorum à fide divina, quæ est infallibilis, & quæ (ut infra dicemus) majorem in eam influit certitudinem, quam habitus primorum principiorum in scientias naturales.

Obiectio ultimò: de eadem veritate non potest simul esse fides & scientia, ut dicemus in tract. de fide disp. i. art. 6. Sed Theologia & fides, circa eadem veritatem versari possunt: hancenim veritas, Christus habet humanam voluntatem, cognovit per fidem, cum sit definita ab Ecclesia, & per Theologiam, cum sit conclusio per bonam consequentiam deducta ex illo fidei principio, Christus est perfectus homo, ex anima rationali & humana carne subsistens: ergo Theologia non est scientia.

Huic objectioni duplicit responderi potest, juxta duplitem Thomistarum sententiam: aliqui enim existimant, quod licet cum fide non possit simul stare scientia clara de eadem veritate, bene tamen scientia obscura, qualis est Theologia; tota enim ratio, ob quam fides non potest esse cum aliis scientiis, de eadem veritate, est propter eam evidenter, & fidei obscuritatem. Dicunt ergo, quod sicut nulla est repugnativa aliquid esse revelatum in alio principio, & immediatè in seipso (v.g. quod luna eclipsis patiatur, continetur in principio Astrologiæ, & rursum in seipso est experientiæ manifestū) ita non repugnat, quod de eadem veritate sit fides, que est de immediatè revelatis, & Theologia, quæ est de revelatis mediatis & virtualiter in principiis. Hac solutio & doctrina valde probabilis est, & juxta illam facile solvit argumentum, distinguendo maiorem. De eadem veritate non potest esse simul fides & scientia clara, seu ex principiis evidenteribus & lumine naturali notis procedens, concedo maiorem. Non potest esse scientia obscura, seu procedens ex principiis obscuris, & per solum fidei lumen cognitis, nego maiorem.

Secundò responderi potest, juxta aliorum sententiam, concessa majori, negando minorem, nempe quod Theologia & fides circa eadem veritatem versari possint: nam quia intelligentia est habitus principiorum, & scientia conclusionum, non possunt esse de eadem veritate & objecto, et si utraque habeat claritatem & evidenteriam: ergo cum fides sit habitus principiorum Theologia, & ipsa Theologia habitus conclusio-

norum, de eadem veritate & objecto esse nequeunt, licet utraque sit obscura.

Confirmatur: fides facit assentire veritatis immediatè revelatis, & propter testimonium dicentis duntaxat: Theologia vero assentire facit veritatis mediatis revelatis, & propter rationem deductam ex principiis: sed implicat contradictionem, ut alius eidem veritati tantum assentiat propter testimonium dicentis, & propter rationem deductam ex principiis, cum assentire solum propter testimonium dicentis, quodlibet aliud motivum excludat: ergo & quod habeat fidem & scientiam obscuram de eadem veritate & objecto. Unde ad probationem in contrarium, juxta illorum Authorum sententiam, dicendum est, eandem veritatem posse esse revelatam immediate in seipso, & mediatis in principiis fidei divina creditis, sicque in diversis subjectis posse esse de illa fide & Theologiam, non posse tamen eundem hominem simul de illa fidem & Theologiam habere, quia ut habeat fidem, requiritur ut illam credat, solum quia immediate à Deo revelata est, & ab Ecclesia definita: qui autem Theologiam habet, non solum propter hoc illi assentitur, sed etiam propter medium demonstrationis Theologica. Unde sicut licet Philosophus Christianus, cognoscat Deum esse unum, per duplex medium, scilicet Dei revelationem in scripturis expressam, & medium demonstrativum, nontamen propterea habet simul de illa veritate fidem & scientiam claram, ut dicemus infra tract. i. disp. i. art. 2 & fuisse exponemus in tract. de fide, disp. i. art. 6. Italicet Theologus, hinc propositionem: Christus habet humanam voluntatem, per duplex medium, in ilium divinam revelationem, & demonstrationem Theologicam, assentiat, non tamen habet de illa simul fidem & Theologiam, sed solum Theologiam; quia, ut dixi, ut quis per fidem assentiat alicui veritati, debet illi assentire tantum propter testimonium Dei dicentis & revelantis: Theologus autem, non solum illi veritati assentitur propter testimonium Dei & Ecclesie, sed etiam propter medium demonstrativum quod habet. Utique solutio probabilis est, unde eruditus Lector eligere poterit eam quæ libet videbitur probabilior.

ARTICULUS II.

Vtrum Theologia, quæ est in nobis viatoribus, sit proprie subalternata scientiæ Dei, & beatorum; ac proinde remaneat in Patria?

S. I.

Premittuntur quæ apud omnes sunt certa.

N^{on}otandum primo: inter scientias, alias esse subalternatas, & alias subalternantes. Subalternatae dicuntur illæ, que ponuntur sub alia superiori, à qua dependent in certitudine, & evidenteria suorum principiorum. Subalternantes vero illæ vocantur, que talia principia demonstrant, & tradunt scientias inferioribus: v.g. Musica dicitur subalternari Arithmeticas, & Perspectivas Geometras; quia in Arithmetica, principia Multipli, & in Geometria, principia Perspectivas notificantur, & demonstrantur.

Notandum secundo: ad subalternationem scientiarum naturalium, tres principia requiri conditiones.